



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola VIII. Gregorii Papae I. Ad Innocentivm, Marinianvm, &c. De tempore paschae requirendo a metropolitano, & de licentia abeundi a prouincia ab eodem postulanda.

urn:nbn:de:hbz:466:1-15221

est ut iuri monasterii fraternitatis vestræ solicitudine sacerdotali per omnia studio reparentur : quia imperiali constitutione aperte sanctum est, vt ea quæ contra leges fiunt, non solum inutilia, sed etiam pro infectis habenda sint.

EPISTOLA VIII.

GREGORII PAPÆ I.

AD INNOCENTIVM, MARINIANVM, &c.

De tempore paschæ requirendo a metropolitano, & de licentia abeundi a prouincia ab eodem postulanda.

*Gregorius Innocentio, Mariniano, Libertino, Agathoni &
Victori Sardiniae episcopis.*

CO GNOVIMVS quod mos vestræ sit insulæ post paschalē festiuitatem, vobis euntibus, aut directis responsalibus vestris ad metropolitanum vestrum, vtrum sciatis, an minime, ipse vobis de venturo pascha scripta debeat denuntiatione mandare. Et quantum dicitur quidam vestrum hoc facere secundum consuetudinem postponentes, aliorum quoque ad non obediendum corda peruerunt. Additur etiam quod ex vobis aliqui pro ecclesiæ sua emergentibus causis transmarina petentes, sine prædicti metropolitani sui cognitione, vel epistolis, sicut Canorum ordo constituit, audeant ambulare. Hortamus ergo fraternitatem vestram, vt antiquam ecclesiarum vestrum consuetudinem exequentes, tam de suscipienda paschali denuntiatione, quam etiam si quemda vestrum pro causis propriis vbi cumque compulerit ambulare necessitas, ab eodem metropolitano vestro secundum indictam vobis regulam petere licentiam debeatis, nec eum postponere in aliquo præsumatis; excepto si, quod non optamus, contra eumdem metropolitanum vestrum habere vos aliquid causæ contingat, vt ob hoc sedis apostolicæ iudicium requiratis. Nam iis qui petere festinant licentiam, quod scitis, per Canones etiam antiquorum patrum institutione habere permisum est.